



SAKSFRAMLEGG

Saksnr:	Utval:	Dato
	Valutval	03.12.2019
	Kommunestyret	

Sakshandsamar:	Arkiv:	ArkivsakID
Lin Tove Thomassen	FE-033, HistSak-15/1205	19/1025

VAL AV KANDIDATAR TIL ULIKE VERV FOR PERIODEN 2019 - 2023

Rådmannen sitt framlegg til vedtak:

Saksopplysningar:

I møte 4.nov. 19, vedtak 77/2019 valde kommunestyret kandidatar til ulike utval, råd, nemnder m.m. Det vart også opplyst at valutvalet ville leggje fram si innstilling til kandidatar for nokre av organa for kommunestyret i desembermøtet. I tillegg har det kome til nokre suppleringar. Det som skal veljast er:

- Ein vararepresentant for eldrerådet.
- Ungdomsråd.
- Kandidat(ar) til heimevernsnemnda.
- Medlemmer og varamedlemmer i Bergsdalen jordbruksfond.
- Varamedlem til BIR klagenemnd
- Vararepresentant til IKTNH
- Erstatte medlem i sakkunnig nemnd for eigedomsskatt.

Eldreråd

Vaksdal pensjonistforening har kome med framlegg om å velje Gudrun Boge Karlsen som varamedlem i Eldrerådet. Ho har gjeve samtykke til at ho kan veljast.

Ungdomsråd

Ny kommunelov gir føringar for at medlemmer til ungdomsrådet også skal veljast av kommunestyret. Det er gjennomført særskilt ungdomsval og disse er innstilt til val:

Ungdomsrådet	
Medlemmer	Varamedlemmer
May Kristin Løtvedt Larsen (2 år)	1. Ida Louise Middelton (1 år)
Emma Bolstad (1 år)	
Nathalia Angelica Mo Lilletvedt (1 år)	
Vegard Gullbrå Tollefsen (2 år)	
Regine Kydland (1 år)	
Ingeborg Straume Audestad (1 år)	
Ina Pettersen (2 år)	

Heimevernsnemnda

Det er ikkje kome fram ny informasjon i saka. Ein sental ansvarleg for heimevernsnemnda i distriktet er langtidssjukemeld og det har ikkje vore mogleg å finna skriftleg informasjon.

Bergsdalen jordbruksfond

Valutvalet utsette å velja medlemmer i førre kommunestyremøtet for å gje administrasjonen meir tid til å innhenta informasjon om kva midlar som er tilgjengeleg for Bergsdalen jordbruksfond.

Administrasjonen har no kartlagt at midlar knytt til jordbruksfondet står på kontoar som Vaksdal kommune ikkje disponerer eller har tilgang til. Praksis for styret har vore at den har vore knytt til eitt av medlemmene. Etter at det kom nye krav til at slike midlar skulle vere knytt til ei foreining med organisasjonsnummer og ikkje person, vart midlane knytt til Bergsdalen jordbrukslag.

Administrasjonen har dialog med jordbrukslaget om kva som er tilgjengeleg på kontoen i dag.

Statuttane for jordbruksfondet i Bergsdalen legg føringar for grunnkapitalen. Jordbruksfondet vart etablert i 1950 med ein grunnkapital på kr 40 000,-. Det er berre renter som kan tildelast og dersom det ikkje vert gjeve tilskot i ein fireårsperiode, skal rentene tilførast grunnkapitalen og ikkje rørast. Det er såleis eit behov for å utnemne medlemmer til jordbruksfondet som kan sjå på statuttane og vurdere moglegheiter vidare for fondet. Landbrukskonsulent Tore Henrik Øye kan bistå i arbeidet.

BIR Klagenemnd

Vaksdal kommune har fått denne tilbakemeldinga frå BIR klagenemnd:

«BIR viser til vedtak frå Vaksdal kommune, om val av ny representant til BIR klagenemnd.

Klagenemnda i BIR er politisk oppnemnt og fattar sjølvstendige og endelege vedtak i.s.m Forskrift for innsamling av hushaldsavfall. For å sikre slik gjennomføring av vedtak, oppmodar BIR Vaksdal kommune om også å velje vararepresentant til BIR klagenemnd.»

IKTNH

Det må leggst fram ei innstilling til kommunestyret om at varaordførar vert vald til vervet som vara for IKTNH.

Sakkunnig nemnd for eigedomsskatt

I Sakkunnig nemnd for eigedomsskatt er det trong for å erstatte eit medlem som vart valt 4.11.

Medlemmet som vart valt, sit i formannskapet og må erstattast, jamfør eigedomsskattelova §21.

Valutvalet vil legge fram forslag til innstilling for kommunestyret.